




ხაშურის მთაშუა



№19 (200)

13 მაისი, ორშაბათი,

2019 წელი

მუნიციპალიტეტის საკრებულოს სხდომა

7 მაისს, ადმინისტრაციული სახლის სხდომათა დარბაზში, გაიმართა ხაშურის მუნიციპალიტეტის საკრებულოს სხდომა. სხდომას უძღვებოდა საკრებულოს თავმჯდომარე მიხეილ ჯანაშვილი. სხდომაზე გადაუდებელი აუცილებლობიდან გამომდინარე, საკრებულოს წევრებმა, ცვლილებები შეიტანეს საკრებულოს მიერ ადრემილბულ რამდენიმე დადგენილებაში. სხდომაზე, დეპუტატებმა, მხარი დაუჭირეს წინადადებას, რომელიც ითვალისწინებდა საქართველოს საპატრიარქოსთვის ხაშურის მუნიციპალიტეტის საკუთრებაში არსებული უძრავი ქონების (მიწის ნაკვეთი ოსიაურში, სადაც გათვალისწინებულია ეკლესიის მშენებლობა) უსასყიდლოდ, სარგებლობის უფლებით, აღნაგობის ფორმით გადაცემის შესახებ. ამავე სხდომაზე, მხარდაჭერილი იქნა პროექტი, რომლის მიხედვითაც, მოხდება, მიმდინარე წლის 31 მარტს მომხდარი სტიქიის – ძლიერი ქარის შედეგად დაზარალებულ მოქალაქეებზე მატერიალური დახმარების გაცემა. შემდეგი საკითხი – ხაშურის მუნიციპალიტეტის საზღვრებში დასახლების შექმნის შესახებ – დეპუტატებმა მოიწონეს (შესაბამისი განკარგულება იხილეთ გაზეთის პირველ გვერდზე).

სხდომის ბოლოს, საკრებულოს წევრებმა, მოისმინეს მერიის შესყიდვებისა და მატერიალურ-ტექნიკური უზრუნველყოფის განყოფილების მიერ, 2018 წელს, შესყიდვების გეგმის შესაბამისად განხორციელებული შესყიდვების შესახებ ანგარიში, რომელიც შეფასდა დადებითად (ანგარიში იხილეთ მეორე გვერდზე).



აღინიშნა ფაშიზმზე გამარჯვების 74-ე წლისთავი

9 მაისს, ფაშიზმზე გამარჯვების 74-ე წლისთავთან დაკავშირებით, ხაშურში, მეორე მსოფლიო ომში დაღუპულთა მემორიალის მიმდებარე ტერიტორიაზე ღონისძიება გაიმართა.

ხაშურის მუნიციპალიტეტის მერმა, გიორგი გურასპაშვილმა და საკრებულოს თავმჯდომარემ, მიხეილ ჯანაშვილმა მემორიალი გვირგვინით შეამკეს, ხოლო ადგილობრივმა შემოქმედებებმა ჯგუფებმა კონცერტი ჩაატარეს.

აღსანიშნავია, რომ წელს, მეორე მსოფლიო ომის ვეტერანებს მუნიციპალიტეტისგან საჩუქრები გადაეცათ, ცენტრალური ბიუჯეტიდან კი - 600 ლარიანი ვაუჩერები.

ხაშურში გამართული 9 მაისის ღონისძიებების ორგანიზატორები იყვნენ მერიის განათლების, კულტურის, სპორტის სამსახური და კულტურის ცენტრების გაერთიანება.



ხაშურის მუნიციპალიტეტის საკრებულო განკარგულება №46

2019 წლის 7 მაისი, ხაშური

ხაშურის მუნიციპალიტეტის ადმინისტრაციულ საზღვრებში დასახლების შექმნის შესახებ წინადადების მოწონების თაობაზე

ხაშურის მუნიციპალიტეტის საკრებულოში შემოსულია ხაშურში მცხოვრები რვა მოქალაქის 2019 წლის 17 აპრილის (რეგისტრ. 18.04.2019 წ. 01/9) კოლექტიური განცხადება მუნიციპალიტეტის ადმინისტრაციულ საზღვრებში დასახლების შექმნის, დასახლებისათვის შესაბამისი კატეგორიის მინიჭების, დასახლების ადმინისტრაციული საზღვრების დადგენისა და დასახლებისათვის ისტორიული სახელწოდების „ულუმბო“-ს დარქმევის მოთხოვნით.

ხაშურის მუნიციპალიტეტის მერის 2019 წლის 22 აპრილის 03/4533 წერილის მიხედვით, საკრებულოს მიერ შემოსენებული წინადადების მოწონების შემთხვევაში, მერია უზრუნველყოფს დასახლების ადმინისტრაციული საზღვრებისა და სქემატური რუკის მომზადებას, ხოლო საკრებულოს სივრცით-ტერიტორიული დაგეგმარებისა და ინფრასტრუქტურის კომისიის 2019 წლის 7 მაისის დასკვნის შესაბამისად, საკითხი შეესაბამება მოქმედ კანონმდებლობას. ხაშურის მუნიციპალიტეტის საკრებულოს 2019 წლის 7 მაისის სხდომაზე მოწონებული იქნა შემოსენებული წინადადება.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტების, „დასახლების შექმნისა და გაუქმების, დასახლებისთვის შესაბამისი კატეგორიის მინიჭებისა და შეცვლის, აგრეთვე დასახლების ადმინისტრაციული საზღვრების შეცვლის წესების დამტკიცების შესახებ“ საქართველოს მთავრობის 2016 წლის 1 ივლისის №307 დადგენილების მე-5 მუხლის პირველი პუნქტის „ა“ ქვეპუნქტისა და ამავე მუხლის მე-6 პუნქტის „ა“ ქვეპუნქტის შესაბამისად

ხაშურის მუნიციპალიტეტის საკრებულო ადგენს:

1. მოწონებული იქნას ხაშურში მცხოვრები მოქალაქეების 2019 წლის 17 აპრილის წინადადება მუნიციპალიტეტის ადმინისტრაციულ საზღვრებში დასახლების შექმნის, დასახლებისათვის შესაბამისი კატეგორიის მინიჭების, დასახლების ადმინისტრაციული საზღვრების დადგენისა და დასახლებისათვის სახელწოდება „ულუმბო“-ს დარქმევის შესახებ;
2. განკარგულება ძალაში შედის ხაშურის მუნიციპალიტეტის საკრებულოს ვებ-გვერდზე www.khashuri.org.ge გამოქვეყნებისთანავე;
3. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის ვადაში, სარჩელის წარდგენის გზით ხაშურის რაიონულ სასამართლოში (მის: ხაშური, მერაბ კოსტავას ქ. №15).

საკრებულოს თავმჯდომარე
მიხეილ ჯანაშვილი

მუნიციპალიტეტის მერიის ზედამხედველობის სამსახურის ანგარიში 2019 წლის პირველ კვარტალში გაწეული მუშაობის შესახებ

7 მაისს, მუნიციპალიტეტის საკრებულოში, სამანდატო, საპროცედურო საკითხთა და ეთიკის, აგრეთვე – ინფრასტრუქტურის და ქონების მართვის და ბუნებრივი რესურსების საკითხების კომისიებმა მოისმინეს მუნიციპალიტეტის მერიის ზედამხედველობის



სამსახურის უფროსის მოვალეობის შემსრულებლის, ოთარ მახარაშვილის მიერ წარმოდგენილი ანგარიში აღნიშნული სამსახურის მიერ, 2019 წლის პირველ კვარტალში გაწეული მუშაობის შესახებ. სხდომაზე აღინიშნა, რომ

2019 წელს სამართალდარღვევათა პრევენციის და გასატარებელ ღონისძიებათა მიზნით, ზედამხედველობის სამსახურის მიერ, ხორციელდებოდა ეტაპობრივი შემოწმება ხაშურის მუნიციპალიტეტის ტერიტორიაზე. რის შესაბამისადაც, გაფრთხილებული იყვნენ მოქალაქეები საქართველოს კანონის „პროდუქტის უსაფრთხოებისა და თავისუფალი მიმოქცევის კოდექსი“-თ გათვალისწინებული სამშენებლო სამართალდარღვევათა შესახებ, აგრეთვე, შსს ხაშურის სამმართველოს პოლიციასთან ერთად, ხშირად ხორციელდებოდა ხაშურის ცენტრალური ქუჩების ტროტუარების (რუსთაველის და იმერეთის ქუჩები) გათავისუფლება გარე მოვაჭრეებისაგან.

მოქალაქეებს განემარტათ არქიტექტურულ-სამშენებლო საქმიანობის ზედამხედველობის განხორციელების შესახებ, სამშენებლო საქმიანობაში დარღვევის არსებობის შემთხვევაში, მშენებლობაში მონაწილეთა მიმართ მითითების გაცემის წესის, სამშენებლო ნორმების და სხვა ნორმატიული დოკუმენტაციის მოთხოვნების დარღვევით შესრულებული სამშენებლო სამუშაოების და საქართველოს კანონის „პროდუქტის უსაფრთხოებისა და თავისუფალი მიმოქცევის კოდექსი“-თ გათვალისწინებული საჯარიმო

სანქციების შესახებ.

ზედამხედველობის სამსახური საქართველოს კანონის „პროდუქტის უსაფრთხოებისა და თავისუფალი მიმოქცევის კოდექსის“ თანახმად, საქმის წარმოებას მითითების ან შემოწმების აქტის გაცემით იწყებს, რის შესაბამისადაც, 2019 წლიდან დღემდე, ზედამხედველობის სამსახურის მხრიდან, სულ გაცემულია სამშენებლო სამართალდარღვევის ფაქტზე 4 მითითება, ხოლო სამშენებლო სამართალწარმოება დაიწყო 4 შემოწმების აქტით, რაზედაც გატარდა კანონით გათვალისწინებული საჯარიმო ღონისძიებები.

მიმდინარე და დასრულებულ მშენებლობებზე, რომელშიც გამოვლინდა სამშენებლო სამართალდარღვევა ზედამხედველობის სამსახურის მხრიდან განხორციელდა კანონით მინიჭებული უფლება-მოვალეობები და მოქალაქეებს დაეკისრათ საჯარიმო სანქციები, რის საფუძველზეც, ხაშურის მუნიციპალიტეტის მერიის ბიუჯეტში საჯარიმო სანქციებით, 2019 წელს, შემოსულია 2000 ლარი. ამ მომენტისთვის, მიმდინარეობს სასამართლოში პროცესები, ამხანაგობა „ბმა“ -ს 2000 ლარით დაჯარიმების შესახებ, ასევე „ხაშური 2012“ -ს 1000 ლარის დაჯარიმების შესახებ, მოქალაქე მარინა მარგველაშვილის 400 ლარით დაჯარიმების შესახებ, ამასთან ერთად, ხაშურის რაიონულმა სასამართლომ, ძალაში დატოვა ხაშურის მუნიციპალიტეტის მერიის ზედამხედველობის სამსახურის მიერ მოქალაქე გიორგი აბუთიძის 20 000 ლარით დაჯარიმების და დემონტაჟის შესახებ გამოტანილი დადგენილება.

პრევენციის მიზნით, პროექტებს, რომელთაც მშენებლობის ნებართვის ვადები უმთავრდებათ ვადის დასრულებამდე 2 თვით ადრე, გაეგზავნათ გაფრთხილებები, რომ თვალყური ადევნონ მშენებლობის ნებართვით განსაზღვრულ ვადებს, რათა მათ მიმართ მშენებლობის ვადის გაშვებამ, არ გამოიწვიოს კანონით გათვალისწინებული საჯარიმო სანქციების გამოყენება.

ზედამხედველობის სამსახურის მიერ, 2019 წელს, ექსპლუატაციაში იქნა მიღებული 21 მშენებლობადავთანავერებული ობიექტი.

ხაშურის მუნიციპალიტეტის მერიის შესყიდვების და მატერიალურ-ტექნიკური უზრუნველყოფის განყოფილების მიერ განხორციელებულ შესყიდვებზე ზედამხედველობის სამსახური უწყვეტ ინსპექტირებას (მუდმივმოქმედი სამუშაო ჯგუფის წევრები არიან ზედამხედველობის სამსახურის უფროსი სპეციალისტები).

ადმინისტრაციულ სამართალდარღვევათა კოდექსით გათვალისწინებული დარღვევების აღმოჩენის შემთხვევაში, 2019 წლიდან, შედგა 2 ადმინისტრაციულ სამართალდარღვევათა ოქმი, ხოლო 4 ოქმი შედგა ნარჩენების მართვის კოდექსის დარღვევის ფაქტზე, რომლებიც განსახილველად გადაეცა სასამართლოს.

ტურისტული სეზონის დაწყებამდე, ზედამხედველობის სამსახურის მიერ, 2019 წელს, დაიწყო ხაშურის მუნიციპალიტეტის ტერიტორიაზე არსებული უნებართოდ განთავსებული უსახური ჯიხურების მესაკუთრეების (მფლობელების) გაფრთხილება. მესაკუთრეებს მიეცათ გონივრულ ვადა შესაბამისი ღონისძიებების გასატარებლად, ამ ვადის გასვლის შემდეგ, ზედამხედველობის სამსახურის მიერ, დემონტაჟი ჩაუტარდა სახელმწიფო ტერიტორიაზე განთავსებულ 36 ჯიხურს და ტერიტორიაზე განთავსებულ 8 ჯიხურს. ეს პროცესი არ დასრულებულა და ყოველდღიურ რეჟიმში, ეტაპობრივად მიმდინარეობს ქალაქის ტერიტორიის გათავისუფლება უსახური ჯიხურებისგან.

საბჭომ - არ დააკმაყოფილა;

2. „ხაშურის მუნიციპალიტეტის სოფელ ქვიშხეთში გზის მოასფალტების სამუშაოების“ შესყიდვაზე გამოცხადებული ელექტრონული ტენდერი NAT180001758, რომელიც სახელმწიფო შესყიდვებთან დაკავშირებულ დაგების განხილვის საბჭოს მიერ - მიჩნეულ იქნა დაუშვებლად.

2018 წლის განმავლობაში სულ განხორციელებულია 207 შესყიდვა, რამაც, გაფორმებული ხელშეკრულებების მიხედვით, შეადგინა 5 692 434.15 ლარი, ფაქტობრივად გადახდილმა თანხამ კი შეადგინა 4 653 726.53 ლარი;

ხელოვნური შესყიდვებიდან, გამარტივებული შესყიდვის საშუალებით, ხელშეკრულებები გაფორმებულია 278 901.85 ლარის შესყიდვაზე, ფაქტობრივად გადახდილმა თანხამ შეადგინა 252 590.53 ლარი;

ელექტრონული ტენდერების საშუალებით, ხელშეკრულებები გაფორმებულია 5 413 532.30 ლარის შესყიდვაზე, ფაქტობრივად გადახდილმა თანხამ შეადგინა 4 401 136.00 ლარი;

2018 წელს, მრავალწლიანი შესყიდვა განხორციელდა 607 728.835 ლარის ტენდერებზე, რომლის მიწოდების ვადად განისაზღვრა 2019 წელი.

გამარტივებული შესყიდვის საშუალებით გაფორმებულია 4 ხელშეკრულება;

ელექტრონული ტენდერების საშუალებით გაფორმებულია 3 ხელშეკრულება.

(შესაბამისი ცხრილები შეგიძლიათ იხილოთ მუნიციპალიტეტის საკრებულოს ვებ-გვერდზე <http://www.khashuri.org.ge>)

მარიამ გოგალაძე,
ხაშურის მუნიციპალიტეტის მერიის
ადმინისტრაციული სამსახურის
შესყიდვებისა და მატერიალურ ტექნიკური
უზრუნველყოფის განყოფილების მეორადი სტრუქტურული
ერთეულის ხელმძღვანელი

მუნიციპალიტეტის მერიის შესყიდვებისა და ტექნიკური უზრუნველყოფის განყოფილების ანგარიში 2018 წლის შესყიდვის გეგმის შესაბამისად განხორციელებული შესყიდვის შესახებ

2018 წლის განმავლობაში, ხაშურის მუნიციპალიტეტის მიერ, გამოცხადებული იქნა 111 ტენდერი 6 991 078 ლარზე, საიდანაც 67 დამთავრდა დადებითი შედეგით, ანუ გაფორმებულ იქნა ხელშეკრულებები.

გამოცხადებული ტენდერებიდან ეკონომიამ შეადგინა 1 577 546 ლარი. გამოცხადებული ტენდერებიდან არ შედგა 36 ტენდერი, 8 ტენდერი დასრულდა უარყოფითი შედეგით.

ელექტრონული ტენდერების საშუალებით გაფორმებულია 67 ხელშეკრულება 5 413 532 ლარის შესყიდვაზე.

ხელშეკრულებით ნაკისრი ვალდებულებების არაჯეროვანი შესრულებისათვის და ხელშეკრულების დადების უფლების მოპოვების მიზნით, არაკეთილსინდისიერი ქმედების ჩადენის გამო, 2018 წელს, ხაშურის მუნიციპალიტეტის მერიის მიერ, 9 მიმწოდებელთან დაკავშირებით, წერილობით შეტყობინებით მიემართა სახელმწიფო შესყიდვების სააგენტოს და სააგენტოს მიერ, შავ სიაში იქნენ დარეგისტრირებულები 9-ვე ორგანიზაცია, მოგესხენებათ, რომ შავ სიაში დარეგისტრირებულ პრეტენდენტს/მიმწოდებელს შავ სიაში რეგისტრაციიდან ერთი წლის განმავლობაში, არ აქვს უფლება, მონაწილეობა მიიღოს სახელმწიფო შესყიდვაში და დადოს, ხელშეკრულება.

პრეტენდენტების მიერ, გასაჩივრებული იქნა 2 ტენდერი: 1. „სოფელ ზემო ოსიაურში გზის მოასფალტების სამუშაოზე“ გამოცხადებული ელექტრონული ტენდერი NAT180001759, რომელიც სახელმწიფო შესყიდვებთან დაკავშირებულ დაგების განხილვის

საქართველოში ტურიზმის განვითარებისთვის აუცილებელი პირობაა რეგიონული მუზეუმების განვითარება. მუზეუმებში დაცულია ქვეყნის ისტორიის ამსახველი ის მდიდარი მასალა, რომელიც ადგილობრივი თუ უცხოელი ტურისტებისთვის, ამა თუ იმ რეგიონის შესახებ, სრულყოფილ წარმოდგენას ქმნის. მაგრამ საჭიროა მნახველებისთვის ღია და თავისუფალი სივრცეების შექმნა მუზეუმებში და ყველაზე მთავარი, გათავისუფლება ძველი შეხედულებებისგან, რაც ძალიან აფერხებს განვითარებას. საჭიროა მუზეუმის პერსონალის პროფესიული განვითარება თანამედროვე მოთხოვნათა შესაბამისად.

სწორედ ამიტომ, 2019 წლის იანვრიდან, ხაშურის სამუზეუმო გაერთიანებაში მიმდინარეობს პროექტი: „ტრენინგები ხაშურის სამუზეუმო გაერთიანების თანამშრომელთა პროფესიული განვითარებისა და მუზეუმის ტურისტული პოტენციალის ასამაღლებლად“, რომელიც ხორციელდება ხაშურის ამერიკის კუთხის მიერ ამერიკის

ტრენინგები ხაშურის სამუზეუმო გაერთიანების თანამშრომელთა პროფესიული განვითარებისა და მუზეუმის ტურისტული პოტენციალის ასამაღლებლად



საელჩოს მხარდაჭერით. (Khashuri American Corner). პროექტის მენეჯერია ამერიკის კუთხის კოორდინატორი ქეთევან მეტრეველი. პროექტს კოორდინირებს უწყვეტ მზია ლობჯანიძე.

ხაშურის ამერიკის კუთხე გაიხსნა 2004 წელს და მიღებული აქვს რამოდენიმე გრანტი. ის აქტიური თანაპარტნიორია არაერთი ადგილობრივი საგანმანათლებლო, საჯარო და არასამთავრობო ორგანიზაციის: „თანაპარტნიორი“, „აქტიურ მოქალაქეთა კავშირი“, „ხაშურის სოფლის საბჭო“ და სხვ. ხაშურის ამერიკის კუთხეს განხორციელებული აქვს არაერთი აქტივობა და პროექტი ამ ორგანიზაციებთან ერთად, მაგ: „ახალგაზრდობა და ცუდი მომავლისთვის“, „ძლიერი სოფელი, ძლიერი სამოქალაქო საზოგადოება“, „ადრეული ქორწინების პრევენცია“, „ქალთა სამოქალაქო და პიროვნული გაძლიერება“ და სხვ. სწორედ, ამიტომ, განსაკუთრებით საგულისხმოა ჩვენი მუზეუმის თანამშრომლობა მათთან. ამჯერად მუზეუმის ტურისტული პოტენციალის ამაღლებასთან დაკავშირებული ჩვენი მიზნები დაემთხვა მათ მიზანს, რაც გულისხმობს რეგიონში ტურიზმის განვითარების ხელშეწყობას. მშვიდობის კორპუსის მოხალისეები, გაცვლითი პროგრამების კურსდამთავრებულები, მოხალისე ტრენერები და უნივერსიტეტის სტუდენტები აქტიურად არიან ჩართული ამერიკული კუთხის პროგრამების დაგეგმარებასა და განხორციელებაში.

პროექტის პრეზენტაცია გაიმართა 10 იანვარს. პროექტში მონაწილე ტრენერები არიან: მოწვეული სპეციალისტი: სალომე ცისკარიშვილი (ილიას უნივერსიტეტის ასოცირებული პროფესორი, ICOM GEORGIA-ს თანადაამუშავებელი, ხელფენებამცოდნე, მუზეოლოგი), თამაზ ლაცაბიძე (ხაშურის სამუზეუმო გაერთიანების მმართველი, ისტორიკოსი), მზია ლობჯანიძე (ხაშურის მხარეთმცოდნეობის მუზეუმის ფონდების მთავარი მცველი, ისტორიკოსი-ეთნოგრაფი), დარეჯან ტაბუცაძე (ხაშურის მხარეთმცოდნეობის მუზეუმის რესტავრატორი, გეოგრაფი-კარ-

ტოგრაფი), ქეთევან მეტრეველი (ხაშურის ამერიკის კუთხის კოორდინატორი, ხაშურის საბიბლიოთეკო გაერთიანების ინოვაციებისა და ბიბლიოგრაფიული განყოფილების მთავარი სპეციალისტი).

პროექტის სამიზნე ჯგუფები ხაშურის სამუზეუმო გაერთიანებაში შემავალი მუზეუმებია: ხაშურის მხარეთმცოდნეობის მუზეუმი (22 თანამშრომელი), ქვიშხეთის დიმიტრი ყიფიანის სახლ-მუზეუმი (7 თანამშრომელი) და სურამის ლესია უკრაინკას მუზეუმი (6 თანამშრომელი). პროექტის მთავარი მიზანია მუზეუმის თანამშრომლების წვრთნა მათი პროფესიონალიზმის ამაღლების თვალსაზრისით. მიღებული პროფესიული ცოდნა და უნარები წინაპირობა იქნება მუზეუმების თანამშრომელთა მზადყოფნისთვის ტურისტთა ნაკადებისა თუ ადგილობრივი ტურისტების მუზეუმში ვიზიტის დროს.

ტრენინგების მიზანია მონაწილეების მიერ ახლებური ხედვის და მუშაობის ახლებური მეთოდების ათვისება და ამავედროულად, უკვე არსებული რესურსების გამოვლენა და წლების განმავლობაში დაგროვებული ცოდნისა და გამოცდილების პრაქტიკაში გამოყენება. ტრენინგის შეხვედრები გაგრძელდება ივნისის ჩათვლით და შეხვედრების გარდა, მოიცავს, მათ შორის პერიოდებში მონაწილეების ინდივიდუალურ და ჯგუფურ მუშაობას. ტრენინგების ფარგლებში, მონაწილეები გადიან ისეთ თემებს, როგორებიცაა, თანამედროვე მუზეუმის ვიდ-ტური, ტურიზმის სახეობები და რეგიონში მათი განვითარების შესაძლებლობები. მუზეუმის თანამშრომელთა პროფესიული განვითარების თვალსაზრისით, საინტერესოა, ისეთი განხილული თემები, როგორებიცაა: მუზეუმის საცავი და ექსპონატების დაცვა, საცავების ადგილობრივი კლიმატი და მიკროკლიმატი, მუზეუმის შენობა, როგორც ბუფერული ზონა, უსაფრთხოების ზომების დაცვა საცავებში, სამუზეუმო ექსპონატების შესახებ არსებული სამუზეუმო დოკუმენტაციის წარმოების წესი, ექსპონატების მარკირება, მარკირების განლაგება და მეთოდები, რისკ-ფაქტორები და აკრძალვები მარკირებისას, საფონდო და საგამოფენო სექტორების თანამშრომლობა გამოფენის კონცეფციის შემუშავებისა და განხორციელებისას, ექსპონირების მეთოდების შემუშავება რომელიმე კონკრეტული გამოფენისთვის და ა. შ. არანაკლებ საინტერესოა ტრენინგები სამეცნიერო მუშაობის თვალსაზრისით: როგორ გამოვიყენოთ წყაროები სამეცნიერო ნაშრომზე მუშაობისას, ტოპონიმების როლი და მნიშვნელობა ისტორიული ხასიათის კვლევებისთვის, გვარ-სახელების მნიშვნელობა სამეცნიერო კვლევებში და ა. შ. ცალკე გამოყოფის ღირსია სარესტავრაციო მიმართულების ტრენინგები, სადაც მიმდინ-



არეობს თეორიული და პრაქტიკული მუშაობა ხელნაწერი და ნაბეჭდი დოკუმენტების, ფოტოების, არქეოლოგიური კერამიკული მასალის რესტავრაციის თაობაზე, სამუზეუმო ექსპონატების მშრალი და სველი წესით წმენდის, დეზინფექციის, სანიტარული გასუფთავების, შეფუთვის და ა. შ. წესებზე. თითოეული თემის ფარგლებში აქცენტი კეთდება რამდენიმე აქტუალურ და პრაქტიკული გამოყენებისთვის საჭირო საკითხზე.

ტრენინგების შედეგად, უკვე შეიძლება ჩაითვალოს პრაქტიკულ მეცადინეობებზე წარმოდგენილი ორი პრეზენტაცია: „ბავშვთა ინფექციურ დაავადებებთან დაკავშირებული წეს-ჩვეულებები (ბატონები) ხაშურის მუნიციპალიტეტის მაგალითზე“ (მ. ლობჯანიძე) და „1804 წლის კამერალური აღწერები და ხაშურის მუნიციპალიტეტი“ (დ. ხანიძე).

ტრენინგები ჯერ კიდევ გრძელდება. აღსანიშნავია, რომ ხაშურის სამუზეუმო გაერთიანების თანამშრომლებისთვის ძალიან საინტერესო და შედეგიანი აღმოჩნდა სწავლების თითოეული საფეხური, თითოეული თემის ირგვლივ გამართული საუბარი-დისკუსია თუ ჩატარებული პრაქტიკული მეცადინეობა. ვფიქრობთ, ტრენინგების დასრულების შემდეგ, შეიძლება თითოეული თანამშრომლის დამოკიდებულება დაკისრებული მოვალეობებისადმი, კვლევების საქმიანობისა და სამომავლო თანამედროვე სტანდარტების პროექტების განხორციელებისადმი.

მზია ლობჯანიძე,
ხაშურის მხარეთმცოდნეობის მუზეუმის ფონდების მთავარი მცველი





გაზაფხული ქვიშხეთში

არჩილ სუთიაშვილის ფოტო

- ანონსი -

ინყება ტურნირი მინიფეხბურთში

16-26 მაისს, ხაშურის მუნიციპალიტეტის სპორტკომპლექსის მინისტადიონზე ჩატარდება, ადგილობრივი ტურნირი მინიფეხბურთში, "დურუს თასი - 2019".

განაცხადების მიღება წარმოებს ხაშურის მუნიციპალიტეტის სასპორტო სკოლაში, მიღების ბოლო ვადაა 15 მაისი. კენჭისყრა გაიმართება იმავე დღეს 15:00 საათზე.



ორგანიზატორი: ხაშურის მუნიციპალიტეტის მერია.

ხაშურის მუნიციპალიტეტის სპორტ კომპლექსის ხაშურის სასპორტო სკოლა.

ტურნირის მხარდამჭერია ტოტალიზატორი ლიდერბეთის ხაშურის ფილიალი.

ინფორმაციის მისაღებად დაუკავშირდით სასპორტო სკოლის ადმინისტრაციას.

საკონტაქტო ნომრები: 24-00-54, 599 49 43 01, 591 99 22 25.

„საბიბლიოთეკო კვირეული - 2019“ დასრულდა

7 მაისს, „საბიბლიოთეკო კვირეული -2019“ (ბიბლიოთეკა, როგორც არაფორმალური განათლების ცენტრი) სახეიმოდ დაიხურა. კვირეულის ფარგლებში, სხ-



ვადასხვა ღონისძიებები და აქტივობები გაიმართა, სადაც აქტიურად იქნენ ჩართულნი, როგორც ბიბლიოთეკის თანამშრომლები, ასევე სკოლის მოსწავლეები.

საბიბლიოთეკო კვირეულის გახსნის ღონისძიება 30 აპრილს, საქართველოს პარლამენტის ეროვნულ ბიბლიოთეკაში გაიმართა. „კვირეულიდან კვირეულამდე“-შემაჯამებელი პრეზენტაცია წარადგინა ბიბლიოთეკის დირექტორმა მაკა დიდებულდიემ. „ამერიკული საბიბლიოთეკო გამოცდილება“- ამერიკის კუთხის კოორდინატორმა ქეთევან მეტრეველმა გაუზ-

იარა დაინტერესებულ ახალგაზრდებს; „ბიბლიოთეკა დასაბამიდან დღემდე“-ნინო შუბითიძემ. კვირეულის ფარგლებში, არაერთი ღონისძიება დაიგეგმა და განხორციელდა: ბიბლიოთეკა ღია ცის ქვეშ-ბიბლიოთეკა არაფორმალური განათლების ცენტრი-კონკურსი „საუკეთესო პოსტერი“-საჯარო სკოლებს შორის; ლიტერატურული გამრების კოსტიუმირებული მსვლელობა ქალაქში, ზღაპრის კითხვა მამებთან, ერთად სკვერში. „ანუქე წიგნი ავტოგრაფით“-დატოვე შენი კვალი ბიბლიოთეკაში; ინოვაციების ლაბორატორია ბიბლიოთეკაში; „იმპრესიონისტები“-მკითხველთა თვალით აღქმული სამყარო, კლუბი“ათინათი“.

დახურვის სახეიმოდ ღონისძიებას, ხაშურის მუნიციპალიტეტის მერი, გიორგი გურასპაშვილი, მერის მოადგილე ზვიად ქურდაძე, ადგილობრივი ხელისუფლების სხვა წარმომადგენლები და საზოგადოების წევრები ესწრებდნენ, რომლებმაც კმაყოფილება გამოთქვეს წლევეანდელ კვირეულთან დაკავშირებით.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.